

Ilokano - Kararua Sursurat - Soul Scriptures

Mateo 11:28-30 “Umaykayo kaniak, dakayo amin a nabannog ken madagdagsenan, ket paginanaenkayo. 29 Alaenyo ti sangolko, ket agsursurokayo kaniak agsipud ta naemma ken napakumbabaak, ket masarakanyonto ti inana. 30 Ta nanam-ay ti sangol nga itedko kadakayo, ket nalag-an ti awit nga ipabaklayko kadakayo.”

Genesis 2:7 Nangala ni Yahweh a Dios iti daga sa nangbukel iti tao. Insang-awna ti anges ti biag iti agong daytoy ket naaddaan iti biag.

Genesis 34:2,3,8 Idi makita ni Sikem nga anak ni Hamor a Heveo a pangulo iti dayta a lugar, pinilitna ni Dina a kumuyog kenkuana sana rinames. 3 Ngem nakita ni Sikem a napintas ni Dina, isu a rimmusing ti panagayatna kenkuana ket inkagumaanna a liwliwaen. 8 Kinuna ni Hamor kadakuada, “Ay-ayaten ni Sikem nga anakko ti anaky. Pangngaasiyo ta ipalubosyo nga asawaenna.

Numer 21:4 Pimmanaw dagiti Israelita iti Bantay Hor; linikawda ti sakup ti Edom ket nagnada iti kalsada nga agturong iti Gulfo ti Aqaba. Ngem iti dalan, naibus ti anus dagiti tattao

Deuteronomio 4:29 Sadiay, sapulenyonto ti Apo a Diosyo; no birokenyo iti amin a pusoyo, masarakanyonto.

Uk-ukom 16:16 Inaldaw a kastoy ti salsaludsoden ni Delila agingga a nauma ni Samson iti panangrengrengna kenkuana,

1 Samuel 18:1 Nalpas ti panagsarita da Saul ken David. Naragsakan ni Jonatan nga anak ni Saul ken ni David ket manipud idin, nasursurona nga impateg a kas iti panangipategna iti bagina.

1 Ar-ari 1:29 Kinunana kenkuana, “Ikarik iti imatang ti sibibiag nga Apo, isu a nangispal kaniak iti amin a pakarigatak,

2 Ar-ari 4:27 ngem idi dumanon ken ni Eliseo iti bantay, nagpakleb ket inarakupna dagiti saka ti profeta. Iduron koma ni Gehazi ngem kinuna ni Eliseo, “Bay-am. Dimo aya makita a kasta unay ti ladingitna? Ket pulos nga awan ti imbag a Apo kaniak maipapan iti daytoy.”

**Job 7:11 Diak mabalin ti agulimek! Madi ti riknak ket makapungtotak.
Masapul nga agsaoak.**

Job 14:22 Ti laeng ut-ot ti bagina ti mariknana ken ti leddaang ti pusona.

Job 19:1/2 Apay a didak sardengan a tutuoken babaen kadagiti sasaoyo?

Job 27:1/2 Isapatak iti sibibiag a Dios a Mannakabalin-amin a nangikkat iti kalintegak ken nangpadagsen iti biagko:

Job 30:25 Diak aya nakipagladingit kadagiti mailupitlupit? Diak aya nakipagrikna kadagiti marigrigat?

Salmo 6:3,4 Mariribuk unay toy kararuak. O Apo, kaanonto a tulongannak? 4

- Umayka, O Apo, ket isalakannak; gapu iti ayatmo, ispalennak.**
- Salmo 7:1,2 O Apo a Diosko, kenka agkamangak; isalakannak kadagiti amin a kumamkamat kaniak, 2 amangan no kasda la leon a mangipanaw kaniak, ket iti lugar nga awan mangisalakan, lasanglasangendak.**
- Salmo 17:13 Umayka, O Apo, ket parmekem dagiti kabusorko! Isalakannak kadagiti mangdakdakes babaen iti kampilanmo.**
- Salmo 23:3 Ipaaymo kaniak ti baro a pigsa. Tarabayennak iti tumutop a dalan, kas inkarim.**
- Salmo 25:20 Salaknibannak ket isalakannak; dimo ipalubos a maparmekak, agsipud ta kenka, agkamangak.**
- Salmo 33:19 Iti patay, isalakanna ida; iti tiempo ti bisin, dina ipalubos a matayda.**
- Salmo 34:22 Subbotento ti Apo dagiti adipenna; dinto maan-ano dagiti agkamang kenkuana.**
- Salmo 35:12,13 Dakes ti isupapakda iti impaayko nga imbag, ket malmesak iti pannakaupay. 13 Ngem nagladingitak idi masakitda; nagayunarak gapu kadakuada. Nagkararagak a sidudumog,**
- Salmo 41:4 “O Apo, nagbasolak kenka,” kinunak, “kaasiannak koma ket paimbagennak.”**
- Salmo 42:5,11 Apay aya a maladladingitanak? Apay aya a mariribukak? Mangnamnamaak iti Dios, ket idaydayawko manen ti Diosko a mangisalakan kaniak. 11 Apay aya a maladladingitanak? Apay aya a mariribukak? Mangnamnamaak iti Dios, ket idaydayawko manen, ti mannubbot ken Diosko. (Salmo 42:6,11; 43:5)**
- Salmo 56:13 agsipud ta inispalnak iti patay, ket dimo impalubos a maparmekak tapno magnaak iti imatang ti Dios, iti silaw nga agraniag kadagiti sibibiag.**
- Salmo 69:10 Babaen iti panagayunar, agpakumbabaak ket gapu itoy, maumumsiak.**
- Salmo 69:18 Umayka ket isalakannak; kadagiti kabusorko ispalennak.**
- Salmo 86:13 Nagdakkel ketdin ti panagayatmo kaniak! Iti kaunggan tanem inaonmo toy kararuak.**
- Salmo 97:10 Ay-ayaten ti Apo dagiti gumura iti dakes. Salluadanna dagiti napudno nga adipenna; ispalenna ida iti bileg dagiti mangdakdakes.**
- Salmo 107:9 Painumenna dagiti mawaw; ikkanna iti agkakaimbag a banag dagiti mabisin.**
- Salmo 116:4 Iti kasta, immawagak iti Apo, “Agpakpakaasiak, O Apo, nga ispalennak!”**
- Salmo 116:8 Inispalnak ti Apo iti ngarab ni patay; pinagsardengna dagiti luluak, ket linapdanna ti pannakaitibkolko.**
- Salmo 119:28 Nalapunosak iti liday ket maidasayak; papigsaennak kadi kas inkarim.**

Salmo 120:2 Isalakkannak, O Apo, kadagiti ulbod ken manangallilaw a tattao.

Salmo 121:7 Ilisinakanto ti Apo iti amin a peggad; aywanannakanto tapno awan pakaan-anoam.

Salmo 124:7 Kaslayo la billit a nakabulos iti silo dagiti mangnganup; napugsaten ti silo ket nawayatayon!

Salmo 138:3 Impangagnak idi immawagak kenka, pinapigsanak ti bilegmo.

Proverbio 6:32 Ngem maag ti tao a makikamalala. Dadaelenna laeng ti bagina.

Proverbio 22:25 Amangan no masursurom ti kababalinda ket dikanton makapagbalbaliw.

Jeremias 20:13 Kantaanyo ti Apo! Idaydayawyo ti Apo! Ispalenna dagiti maidadanes iti pannakabalin dagiti managdakdakes.

Jeremias 31:25 Pabaroekto ti pigsa dagiti nautoyan ket bussogekto dagiti napakapsutan iti bisin.

Ezekiel 13:20,21 Ita, daytoy ti kuna ti Apo a Dios, “Diak kayat dagiti lupot a maiputipot kadagiti pungupungoan nga aramateno a pangtengngel iti biag ken patay. Rabsutek ida kadagiti imayo, ket palubosak a makalibas dagiti tattaok nga iturayanyo. 21 Pigisek dagiti atiddog nga abungotyo ket ispalek dagiti tattaok iti pannakabalinyo. Iti kasta, mabigbigyonto a siak ni Yahweh.

Mateo 10:28 Dikay agbuteng kadagiti mangpapatay iti bagi, ngem dida mabalin a papatayen ti kararua. Agbutengkayo ketdi iti Dios, isu a makabalin a mangpatay iti bagi ken kararua idiy infierno.

Mateo 16:26 Adda aya magunggona ti tao no matagikuana ti entero a lubong ngem mapukawna met ti biagna? Awan! Awan ti maited ti tao a pangsubbot iti biagna. (Marcos 8:36,37)

Mateo 22:37 Insungbat ni Jesus, “ ‘Ayatem ti Apo a Diosmo iti amin a pusom, iti amin a kararuam, ken iti amin a panunotmo.’

Mateo 26:38 “Matayak iti nakaro a ladingit,” kinunana kadakuada.

“Agbatikayo ditoy ket makipagpuyatkayo kaniak.” (Marcos 14:34)

Marcos 12:30 Ayatem ti Apo a Diosmo iti amin a pusom, iti amin a kararuam, iti amin a panunotmo ken iti amin a pigsam.’

Lucas 12:20 Ngem kinuna ti Dios kenkuana: ‘Maag! Ita met la a rabii, matayka. Ket amin dagitoy nga urnongmo, siasinonto ti agtagikua?’”

Lucas 21:19 Babaen iti panagibturyo, maisalakanyonto dagiti bagbagiyo.”

Juan 12:27 Intuloy ni Jesus ti nagsao: “Ita, mariribukak. Ania ti aramidek? Kunak kadi, ‘Ama, ilisinak koma iti daytoy nga oras’? Ngem daytoy met ti gapu ti immayak tapno lasatek daytoy nga oras ti panagsagaba.

Dagiti Aramid 14:22 Pinatibkerda dagiti mamati ket binalakadanda ida nga agtalinaed a sipupudno iti pammati. Imbagada, “Masapul nga aglasattay iti adu a rigat sakbay a sumrektay iti Pagarian ti Dios.”

Dagiti Aramid 15:24 Nadamagmi nga immay dita ti sumagmamano a lallaki a

naggapu iti grupomi, ket nariribuk ken nagduaduakayo gapu kadagiti saoda. Saanmi nga imbilin a kasta ti aramidenda.

1 Taga-Corinto 15:45 Ta kuna ti Nasantoan a Surat: “Ni Adan a kaunaan a tao, naparsua a naikkan iti biag.” Ngem ti maudi nga Adan, isu ti Espiritu a mangted iti biag.

1 Taga-Tesalonica 5:23 Sapay koma ta pasantoen nakayo a naan-anay ti Dios a mangted iti talna. Aywananna koma ti espiritu, kararua ken bagiyo, ket awan pakapilawanda agingga nga umay ni Apotayo a Jesu-Cristo.

Hebreo 6:19 Adda kadatayo daytoy a namnama a kas angkla ti kararua. Natalged ken natibker daytoy a namnama ket sumrek iti kurtina iti nailangitan a templo agingga iti akin-uneg a santuario.

Hebreo 10:39 Saantayo a kas kadagiti nangiaksi iti pammata ket napukawda. Addaantayo ketdi iti pammata ket maisalakan ti kararuatayo.

Santiago 1:21 Ngarud, idianyo amin a naalas nga ugali ken dakes a kababalin. Agtulnogkayo iti Dios ket awatenyo ti sao a makaisalakan kadakayo a naimulana iti pusoyo.

Santiago 5:20 Iaglikipenyo daytoy: ti manggutugot iti managbasol tapno idianna dagiti dakes a kababalin, isalakannanto ti kararua dayta a managbasol, ket isu ti pakaigapuan ti pannakapakawan ti adu a basol.

1 Pedro 1:9 ta gapu iti pammatiyo, magun-odyo ti pannakaisalakan dagiti kararuayo.

1 Pedro 1:22 Babaen iti panagtungpalyo iti kinapudno, napakawan dagiti basbasolyo ket nadalusankayo. Gapu ta addan pudno a panagayatyo kadagiti kakabsatyo iti pammata, agiinnayatkayo ngarud iti amin a pusoyo.

1 Pedro 2:11 Kakabsatko, kas ganggannaet ken agdaldaliasat iti daytoy a lubong, agdawatak kadakayo. Dikay paiturayan kadagiti nailasagan a tarigagay a kanayon a makiranget iti kararua.

1 Pedro 4:19 Ngarud, no agsagabaka kas pagayatan ti Dios, agaramidka, iti naimbag ket agkammatalekka iti Namarsua, isu a mangtungpal iti karina.

2 Pedro 2:7,8 Inispalna ni Lot, maysa a nalinteg a tao a nariribuk iti kinadakes dagiti managlabsing iti linteg. 8 Nagnaed iti sidongda ket inaldaw a natutuok kadagiti dakes a nakita ken nangngegna nga aramidda.

3 Juan 1:2 Patgek a gayyem, ikarkararagko a nasayaat latta koma ti kasasaadmo. Sapay koma ta nasalun-atka a kas iti ammok a naespirituan a panagbiagmo.